

l'orator scusò la Signoria, si non compiaceva al presente. Et il re disse: Non parlemo più; lasseme satisfar di parole. Poi li disse: el signor Carlo Orssini la Signoria li à dà licentia, e l' Alviano la vol. Et soa majestà à letere di l'oro; dice la Signoria nostra non ne ha niun altro condutier sì bon, quanto questi; perhò è mal lassarli.

*Dil ditto, do letere, di 9, ivi.* Ricevute letere nostre, di 30, con letere dil zeneral zercha Modon perso, e poi di Corfù, non è vero, andò dal re, li disse. Si dolse e: Stè con speranza. E poi disse: Non parlemo più; ma un altro anno farà gran cosse. E spazò letere a Zenoa, a monsignor di Ravastem, per le do nave, dicendo haver speso in armar le ditte franchi 35 milia. E poi disse: Si zenoesi non farà il dover, faremo *etc.*, li castigaremo; perhò che l'orator nostro intese ditte nave anderano temporizando per mar. *Item*, quanto a la letera di fiorentini, diceva mal dil re, non l' à voluta mostrar, perhò che eri, hessendo col re, ave letere dil suo orator, domino Acursio, li disse zercha questo. Se turbò, non voria esserli stato quello avesse parlato di tal cossa con sua majestà. Et in l' altra letera, par fusse dal re; li disse, *incidenter*, di fiorentini. Soa majestà rispose: Sono desperadi, ne manda una gran ambascata. Et l' orator disse: Fanno per ingannar vostra majestà. Disse: Ben, si varderemo, non ne inganerà. Poi introno zercha il papa *etc.* Et sopravene la rezina, et non fo ditto altro.

*Da Milam, dil secretario, di 17.* Come monsignor di Chiamonte eri vene li, et ozi è cavalchato ad tuor alcuni castelli de' vermeneschi, fo donati a monsignor di Obigni, *videlicet* Bobi et Zavatarella, la qual è forte; mena con si 2000 cavali et 3000 pedoni. *Item*, monsignor di Ligni vene a Zenoa, si dice per haver quel dominio, per una promessa li fè re Carlo. *Item*, gateschi sono andati a certi lochi di zenoesi, tenuti da' francesi. *Item*, el cardinal di San Zorzi è andato a Pavia, dove à tolto caxa.

Noto, ozi fo divulgato per la terra, el fiol di sier Zorzi Corner, el cavalier, esser stà fato cardinal; *tamen* nulla si haveva di certo.

*Electo capetanio a Cremona per scurtinio  
dil conseio di pregadi.*

Non. Sier Baldisera Trivixam, el consier, <i>quondam</i> sier Polo . . . . .	
Sier Zuam Morexini, el consier, <i>quondam</i> sier Lucha . . . . .	58. 95
Non. Sier Pollo Trivixam, el cavalier, fo podestà a Brexa . . . . .	

Sier Nicolò di Prioli, fo cao dil conseio di X, <i>quondam</i> sier Zuanne . . . . .	31.119
Sier Antonio Trum, el consier, <i>quondam</i> sier Stai . . . . .	55.100
Sier Francesco Bernardo, fo consier, <i>quondam</i> sier Pollo, el procurator . . . . .	36.116
Sier Bortholamio Vituri, fo consier, <i>quondam</i> sier Mathio, procurator . . . . .	40.117
Non. Sier Lucha Zen, fo capetanio a Padoa, <i>quondam</i> sier Marco, el cavalier . . . . .	322
Non. Sier Domenego Marin, fo capetanio a Padoa, <i>quondam</i> sier Carlo . . . . .	
Sier Fantin da cha' da Pexaro, fo capetanio a Padoa, <i>quondam</i> sier Francesco . . . . .	43.112
Non. Sier Andrea Cabriel, fo ducha di Crete, <i>quondam</i> sier Beneto . . . . .	
Sier Marco Sanudo, fo podestà a Brexa, <i>quondam</i> sier Francesco . . . . .	58. 99
† Sier Domenego Bollani, el consier, <i>quondam</i> sier Francesco . . . . .	102. 50
Sier Hironimo Lion, el cavalier, l' avogador di comun . . . . .	31.124
Sier Piero Contarini, el consier, <i>quondam</i> sier Iacomo . . . . .	60. 89
Sier Zuan Francesco Pasqualigo, dottor, cavalier, fo capetanio a Brexa . . . . .	23.131
Sier Polo Pixani, el cavalier, fo avogador di comun . . . . .	40.112
Sier Lunardo Grimani, fo avogador di comun . . . . .	26.127

*Electo per gram conseio capetanio a Cremona.*

† Sier Domenego Bollani, el consier, <i>quondam</i> sier Francesco . . . . .	808.333
Sier Zuan Morexini, el consier, <i>quondam</i> sier Luca . . . . .	439.652
Sier Domenego Bolani, fo luogo tenente in la Patria, dopio . . . . .	
Sier Anzolo Trivixan, fo cao dil conseio di X, <i>quondam</i> sier Polo . . . . .	315.822
Sier Domenego Bolani, fo savio dil conseio, triplo . . . . .	

*A dì 21 septembrio.* In colegio vene sier Alvice Venier, electo provedador a Corfù, et *publice* refudoe, dicendo non voler andar.

Vene l' orator di Franza, et presentò una letera dil re a la Signoria, data a Meledun, a dì 3. Pregava la Signoria volesse compiaser al papa in la materia